

# ՀԵՏԱԶՈՏԱԿԱՆ ԱՇԽԱՏԱՆՔ

## ԵՐԱԺՇՏՈՒԹՅՈՒՆ

**Թեմա՝** Գեղագիտական դաստիարակության նպատակը, խնդիրները և մեթոդները <<Երաժշտություն>> առարկայի գործընթացում

**Կազմեց՝** Հովհաննիսյան Բենիկ  
<<Մեղրու թիվ 1 միրնակարգ դպրոց>> ՊՈԱԿ

**Ղեկավար՝** Լուսինե Բալայան

**Վերապատրաստող**

**Կազմակերպություն՝** <<Կապանի N2 ավագ դպրոց >> ՊՈԱԿ

**Կապան 2023**

## ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....	2
ԳԵՂԱԳԻՏԱԿԱՆ ԴԱՍՏԻԱՐԱԿՈՒԹՅԱՆ ՆՊԱՏԱԿԸ, ԽՆԴԻՐՆԵՐԸ և ՄԵԹՈԴՆԵՐԸ 'ԵՐԱԺՇՏՈՒԹՅՈՒՆ' ԱՌԱՐԿԱՅԻ ԳՈԾԸՆԹԱՑՈՒՄ.....	3
ԵԶՐԱԿԱՑՈՒԹՅՈՒՆ.....	1
3	
ՕԳՏԱԳՈՐԾԿԱԾ ԳՐԱԿԱՆՈՒԹՅԱՆ ՑԱՆԿ.....	14
ՀԱՎԵԼԿԱԾ .....	15

## Ներածություն

Դպրոցականների դաստիարակության համակարգում կարևոր տեղ ունի գեղագիտական դաստիարակությունը, որը նպաստում է երեխայի հուզական ոլորտի զարգացմանը և զգայական փորձի հարստացմանը, ակտիվացնում նրա իմացական գործունեությունը, բացահայտում է նրա ստեղծագործական կարողությունները և խթանում դրանց զարգացումը:

Դպրոցականների գեղագիտական դաստիարակությունը ձևավորում է

- գեղագիտական գիտակցությունը (տարրական գիտելիքներ արվեստի և գեղեցիկի մասին, գեղեցիկը ճանաչելու, նկատելու և գնահատելու կարողություններ, գեղեցիկի պահանջմունքի և գեղագիտական ճաշակի դաստիարակություն):
- ինչպես նաև գեղագիտագեղարվեստական ընդունակություններն ու կարողությունները:

Ազգային երգը, պարը մեծ հնարավորություն են տալիս երեխաների գեղագիտական դաստիարակության զարգացման համար՝ ուսուցանելով գիտելիք (տեղեկություններ ազգային արժեքների մասին), ձևավորելով երաժշտական ճաշակ ու կարողություններ և գեղարվեստական հմտություններ:

Աշխատանքի նպատակն է ուսումնասիրել դպրոցականների գեղագիտական դաստիարակության առանձնահատկությունները, ինչպես նաև ցույց տալ <<Երաժշտություն>> առարկայի՝ որպես արդյունավետ միջոցի դերը ուսումնական գործընթացում:

**Գեղագիտական դաստիարակության նպատակը, խնդիրները և մեթոդները <<Երաժշտություն>> առարկայի գործընթացում**

<<Չգուշությամբ և երկյուղածությամբ մոտեցեք դաստիարակության գործին, խիստ փափուկ պաշտոն մըն է ձերը: Սխալ ուղղությամբ՝ ազգ մը կխորտակեք վերջը>>:

Կոմիտաս

Դպրոցականների դաստիարակության համակարգում կարևոր տեղ ունի գեղարվեստական դաստիարակությունը, որը հատուկ կազմակերպված մանկավարժական գործընթաց է՝ ուղղված երեխայի գեղագիտական զգացումների, կյանքում և արվեստում գեղեցիկի վերաբերյալ պատկերացումների ձևավորմանը, շրջապատող իրականության հանդեպ, գեղագիտական վերաբերմունքի, գեղագիտական վերաբերմունքի ձևավորմանը:

Գեղագիտական դաստիարակության խնդիրները ուղղված են սովորողների՝ գեղեցիկը նկատելու, ճանաչելու, գնահատելու կարողությունների ձևավորմանը, ինչպես նաև հուզականորեն համարժեք արձագանքելու ունակությունների զարգացմանը, գեղագիտական ճաշակի դաստիարակմանը:

<<Երաժշտություն>> առարկան հանրակրթական դպրոցում հանդիսանում է արվեստի դասավանդման արդյունավետ միջոց: Երեխաները ընդգրկվում են երաժշտական ներդաշնակ <<աշխարհ>>՝ երգում, պարում, երաժշտություն ունկնդրում, հանդես գալիս նոր մտահաղացումներով, ստանում գեղագիտական հաճույք:

Երաժշտություն առարկայի նպատակն է դաստիարակել հոգևոր և բարոյագեղագիտական բարձր արժեքներով օժտված մարդ, երաժշտության գիտակից և ակտիվ ունկնդիր, որը կարող է արժևորել իր ազգային և համամարդկային երաժշտական մշակույթը:

Դպրոցական տարիքում երեխայի գեղագիտական դաստիարակության հիմնական նպատակը երեխաների գեղագիտական գիտակցության և ճաշակի ձևավորումն է, որը խթանվում է երաժշտության միջոցով:

Երաժշտությունը ձևավորում է վառ անհատական կերպարներ, վառ գույներ առաջացնում խոր հույզեր՝ շարժելով կատարողի և ունկնդրողի միտքը:

### 3

Անհրաժեշտ է դեռ վաղ հասակից, երեխաների մեջ առաջացնել, սեր դեպի երաժշտությունը, դեպի արվեստը: <<Երաժշտություն >> առարկայի գործունեության ձևերը՝ դասարանական երգեցողությունը, երաժշտության ունկնդրումը, պար, ռիթմիկ և երաժշտա-ռիթմիկ վաժուկություններ, երաժշտական խաղեր, նվագակցություն <<բնական հարվածային նվագարաններով>> օգնում են աշակերտներին տիրապետել երաժշտական արվեստին:

Դասարանական երգեցողությունը ամենակարևոր միջոցներից է, քանի որ երեխաները փոքր հասակից սովորում են երգել, դառնում երաժշտության կատարողներ : Ինքնուրույն երգելով կամ նվագելով՝ նրանք ավելի լավ են զգում և ըմբռնում երաժշտությունը, սիրով են լցվում երաժշտության հանդեպ:

Դասարանական երգեցողությունը զարգացնում է երեխաների լսողությունը, երգչական ունակությունները: Կարևոր է, որ շնչառությունից ճիշտ օգտվեն ունենան հստակ առոգանություն:

#### Երգեցողության խնդիրները

- ազգային, մանկական նյութի յուրացում
- ինտոնացիոն մաքուր երգեցողության մշակում
- երաժշտական ունակությունների զարգացում
- երգի կատարողական գրագիտության և կուլտուրայի մշակում
- ճաշակի ձևավորում

Երաժշտության ունկնդրման դասերի նպատակն է երեխաների մեջ սեր առաջացնել դեպի երաժշտությունը, զարգացնել նրանց երաժշտական ճաշակը, սովորեցնել նրանց լսելու կատարվող երաժշտական ստեղծագործությունը: Երաժշտության ունկնդրման դասերը լրացնում են աշակերտների այն գիտելիքները, երբ նա ստացել է երաժշտության և երաժշտության դասերին:

Երաժշտության ունկնդրման դասեր պետք է անցկացնել ուսման հենց 1-ին տարուց: 1-ին դասարանի երեխաներն մեծ սիրով են մասնակցում երաժշտության ունկնդրմանը:

Երաժշտության ունկնդրման ավարտից հետո պետք է պատմել ունկնդրումից ստացած իրենց տպավորումների մասին, ինչպիսի՞ն է

#### 4

ստեղծագործության բնույթը (ուրախ, թախծոտ, տխուր, տեմպը արագ, հանդարտ, դանդաղ) ո՞վ է կատարում այն մենապա՞րը, թե՞ երգչախումբը, նվագարա՞նը, թե նվագախումբը և այլն: Այդ տարիքի երեխաները դժվարանում են բառերով ճիշտ ձևակերպել երաժշտությունից ստացած իրենց տպավորություններն ու զգացողությունները, դրա համար պետք է երեխաներին օգնել նրանց մտածողությունը խթանող հետևյալ հարցերը.

ա. Ի՞նչ տպավորություն ստացար:

բ. Ի՞նչ ես ուզում անել այդ երաժշտության ուղեկցությամբ երգել, պարել, քայլել

գ. Ի՞նչ նվագարան էր հնչում:

դ. Ի՞նչ գույներով կներկայացնես այդ երաժշտությունը:

Ունկնդրման գործընթացն իրականացվում է հետևյալ հերթականությամբ.

ա. Ուսուցչի մեկնաբանող խոսք բ. երաժշտական ստեղծագործության գեղարվեստական կատարում գ .դիդակտիկ նյութերի ցուցադրում դ. Երաժշտության բնութագրում:

Խմբական երգեցողությունը դպրոցում նպաստում է դպրոցականների երաժշտական ճաշակի զարգացմանը: Երգեցիկ խմբում մասնակցող երեխաները ձեռք են բերում երգչական ունակությունները: Դպրոցական միջոցառումների ժամանակ հայտնաբերվում են շնորհալի երեխաներ՝ ասմունքողներ, պարողներ, նվագողներ, երգողներ, որոնք իրենց ելութներով հարստացնում են այդ հանդեսների ծրագրերը:՝

- Գեղարվեստական երգեցողություն

Յուրաքանչյուր երգ, լինի պարզ կամ բարդ, փոքր կամ մեծ, պետք է կատարվի գեղարվեստական բարձր ճաշակով և արտահայտիչ ձևով: Երեխաներին պետք է ծանոթացնել կատարողական տարբեր ճևերի, օրինակ՝ տարբեր տրամադրությամբ և տարբեր շեշտերով պետք է կատարել քայլերգերը, քնարական երգերը, պարերգերը և այլն: Երեխաների երգեցողությունը պետք է լինի գեղեցիկ: Երեխան սիրում է երաժշտություն և կարողանում է տարբերել գեղեցիկ երգը տգեղից, լավը վատից: 5

Գեղարվեստական երգեցողության համար գեղեցիկ և ճիշտ առոգանությունը անհրաժեշտ պայմաններից մեկն է: Երգչական ունակությունների ուսուցման զարգացման պրոցեսում պետք է հատուկ ուշադրություն դարձնել երեխաների ճիշտ առոգանության վրա, առանց դրա գեղարվեստական երգեցողություն լինել չի կարող: Ունկնդիրը պետք է հասկանա ունկնդրվող երգի բովանդակությունը, իսկ առանց կատարողի լավ առոգանության տեքստը աղավաղվում է, երգի բառերը տեղ չեն հասնում, դրա համար երգը մնում է ունկնդրի համար անհասկանալի: Շատերը կարծում են, թե ուժեղ երգեցողության դեպքում է, որ երգն ըմբռնելի է լինում ունկնդրի համար: Դա սխալ է: Կարելի է երգել շատ ուժեղ, բայց բառերը վատ արտասանել, և կարելի է երգել մեղմ, բայց բառերը պարզ ու հասկանալի արտասանել: Հարկավոր է լավ արտասանել ձայնավորները՝ 'օ, ա, ու, ի, է', բերանի բացվածքին տալով արտասանվող հնչյունին համապատասխան և հարմար ձև:

Ձայնավոր հնչյունների լավ արտասանությունը օժանդակում է առոգանությանը: Առոգանության համար պետք է սովորեցնել արագ տեմպով երգող երգեր, որոնց մեջ կան կրկնվող բառեր ու հնչյուններ: Գեղարվեստական երգեցողության համար պետք է երեխաներին ծանոթացնել երաժշտական ստեղծագործության տեմպին և կատարման նրբերանգներին:

Երաժշտության գեղարվեստական կատարման համար մեծ նշանակություն ունի կատարվող երգի տեմպը գտնելը և տվյալ երգը իր իսկական տեմպով երեխաներին սովորեցնելը:

Երաժշտական ստեղծագործությունների տեմպերը նշանակվում են երգի սկզբից, իտալական տերմիններով: Դանդաղ տեմպերը նշանակվում են երգի՝ *largo*, *Adagio*, *lento*, չափավոր տեմպերը՝ *Andante*, *Moderato* և *Allegreto*, արագ տեմպերը՝ *Allegro*, *Vivo*, *Prestissimo* բառերով:

## Երգեցողությունն առանց նվագակցության և նվագակցությամբ

Կան երգեր, որոնք հորինված են առանց նվագակցության երգելու համար:

Խմբական այն երգեցողությունը, որը կատարվում է առանց նվագակցության կոչվում է *a capella* (ակապելա): Կոմիտասի բոլոր խմբական ստեղծագործությունները գրված են առանց նվագակցության՝ *accapela*

### 6

կատարելու համար:

*A capella* երգեցողությունը խմբական արվեստի ամենաբարձր տեսակներից մեկն է: Խմբական երգեցողությանը կարևոր տեսակն էլ նվագակցությամբ կատարվող երգեցողությունն է: Երգեցողությանը նվագակցում են տարբեր գործիքներ: Դաշնամուրը, որպես ամենահարուստ գործիքներից մեկը հարստացնում է երկձայն և եռաձայն խմբական երգերի գեղարվեստական կատարմանը և ձևավորմանը: Դաշնամուրի նվագակցությունը հնարավորություն է տալիս կոմպոզիտորին երգի և նվագակցության փոխադարձ օգնությամբ ստեղծել երաժշտական պատկերներ: Երաժշտական գործունեության մյուս ձևը երաժշտառիթմական և պարային շարժումն է, որը նպաստում է սովորողների հոգևոր և ֆիզիկական ուժերի զարգացմանը:

Ռիթմիկ և երաժշտա-ռիթմիկ վարժությունների նպատակը սաների երաժշտական ունակությունների, ռիթմի զգացողության զարգացումն է, հնչյունի տևողության ճիշտ կատարումը: Գործողության այս ձևի ընթացքում սովորողը կատարում է ունկրվող կամ կատարվող ստեղծագործությունների ռիթմական նվագակցություններ, սովորում և կատարում է պարային շարժումներ:

Պարը իր շարժումային համակարգով մի լեզու է որն արտահայտում է մարդու հոգեվիճակը , հուզերն ու ապրումները՝ ուղեկցվելով երգով, երաժշտությամբ, հարվածային նվագարանների կամ ծափերի ռիթմիկ պատկերով: Շատ կարևոր է, որ ուսուցանվի մաքուր ավանդական պար: Ավանդական պարերը կարող են պարել բոլորը, դրանք բնական շարժումներից են կազմված, մատչելի են հասկանալի:

Երեխաների սիրած գործունեության տեսակներից է խաղը, երաժշտական շարժախաղերը, որոնք կարևոր դեր են կատարում դպրոցականների շարժումային գործունեության գործում: Շարժախաղերը հնարավորություն են տալիս երեխաներին ցուցադրելու ստեղծագործական երևակայություն:



Շատ լավ է ցուցադրել երգի բովանդակությունը պատկերող գեղարվեստական պլակատ: Երեխաներին կարելի է հանձնարարել մատիտով կամ ներկերով նկարել երգի բովանդակությունը: Եթե երգի մեջ կան երկխոսություններ, ապա երգը սովորելուց հետո դերերը բաժանել և խաղի միջոցով ավելի աշխուժացնել երգը, օրինակ՝ ճուտիկ մանկական օպերան (խոսք՝ Հակոբ Աղաբաբյանի, երաժշտություն՝ Մարտին Մազմանյան):

## 7

Հեղինակի դերը կկատարի դասարանը, աշակերտներից մեկին կարելի է տալ ճուտ Մարիի դերը, մեկ ուրիշին՝ Աքլորիկի, մյուսին էլ՝ Թխսի դերը:

Լսելով օպերային երաժշտությունը, կատարելով երգերը, պարերը, քայլ երգերը՝ երեխաները ծանոթանում են օպերայի տեսակին, առանձնահատկություններին: 'Աքլորիկի ,թխսի և ճուտիկների երգը' մատուցվում է դաշնամուրի նվագակցությամբ, ապա այն, աշակերտները լսում են սինֆոնիկ նվագախմբի և երգիչների կատարմամբ՝ ծանոթանալով 'օպերա' հասկացությանը:

Երեխաները սովորելով 'ճուտիկ' մանկական օպերայից 'Աքլորիկի, թխսի և ճուտիկների երգը'՝ կկարողանան որոշել երաժշտության տեսակը, տեմպը, ռիթմը կձևավորեն գեղարվեստախոսքային արտահայտիչ խոսք ունենալու կարողությունները, կզարգացնեն երաժշտական և բեմական ընդունակությունները, կդաստիարակվեն գեղագիտական բարձր ճաշակով:

Հետազոտությունը ցույց տվեց, որ այդ ուսումնական պարապմունքը արդյունավետ էր և ուսանելի: Ըստ այդմ ստորև ներկայացված է աղյուսակ՝ համապատասխան չափանիշներով:



Այսպիսի երգախաղերը երեխաների մեջ մեծ աշխուժություն են առաջացնում , սեր են զարթնեցնում դեպի արվեստը, երաժշտությունը և երեխան անհամբեր սպասում է երգեցողության դասին, որպեսզի հագեցնի իր գեղարվեստական պահանջը:

### 8

Գործունեության հաջորդ ձևը անհատական ստեղծագործում կամ իմպրովիզացիան է, որի գլխավոր նպատակը սովորողների ստեղծագործական ունակությունների զարգացումն է:

Իմպրովիզացիայի բոլոր միջոցները երեխաների մեջ զարգացնում են գեղարվեստական երևակայություն, բարձրացնում երաժշտական գործունեության ակտիվությունը:

Երեխաները բոլոր երաժշտական գիտելիքները ձեռք են բերում երաժշտությամբ գործնական զբաղվելու ընթացքում, ծանոթանում են երաժշտության մեջ դրանց կիրառմանը:

Երեխաների երաժշտական դաստիարակության գործում մեծ նշանակություն ունի երաժշտությունը, ռիթմը և պարարվեստը:

Ռիթմի նպատակն է երեխաներին սովորեցնել երաժշտական ընկալման մասին և զարգացնել ռիթմիկ զգացողություն: Երաժշտության ժամին դասի հիմնական նպատակն է՝

- Չարգացնել երեխաների հույզերն արտահայտելու կարողությունը
- Չարգացնել երգը արտահայտիչ կատարելու կարողությունը
- Մեկ շնչով մի քանի նոտա մաքուր հնչերանգով երգելու հմտությունը:

Ռիթմիկայի ընթացքում պետք է ուշադրություն դարձնել ճիշտ կեցվածքի, շարժումների սահուն զարգացմանը:

Դպրոցում երեխաներին ծանոթացնում ենք ժողովրդական մշակույթին, որոնք երեխաների մոտ առաջացնում են հայրենասիրություն:

Որպեսզի դասերն արդյունավետ լինեն և օգուտ բերեն երեխաներին, անհրաժեշտ է ստեղծել հարմարավետ միջավայր:

Երաժշտությունը մշտապես օգտագործվել է երեխաներին հանգստացնելու, սփոփելու զբաղեցնելու և կրթելու համար: Երաժշտության կենտրոնի աշխատանքը նպաստում է երեխաների համակողմանի զարգացմանը: Նրա առավել ակնհայտ նշանակությունը կապված է հուզական զարգացման հետ: Յուրաքանչյուր մշակույթ ունի սիրո, փառաբանության, ուրախության, **9**

խիզախության, տխրության երաժշտական դրսևորման իր ուրույն պարզունակ օրինակները, որոնք երեխաները հեշտորեն կարող են յուրացնել և դրանց միջոցով արտահայտել իրենց զգացմունքները:

Եթե դասերը ճիշտ են կազմակերպվում, երեխան դառնում է կայուն, հարգալից վերաբերմունք է ունենում ուսուցչի նկատմամբ; Դրա համար հարկավոր է՝

- Ճիշտ երաժշտական նվագակցություն
- Դասերն անցկացնել խաղային եղանակով
- Պետք է լսել երեխաների ցանկությունները
- Պետք է հանգիստ բացատրել, թե երեխան ինչ սխալ է արել

Ռիթմիկ դասերի ընթացքում երեխաները սովորում են պարի հիմնական տարրերը, անցկացվում են ֆիզիկական վարժություններ: Սա հատկապես կարևոր է տարրական դասարանի աշակերտների համար, քանի որ նրանց համար կարևոր է հնարավորություն տալ դուրս հանել իրենց էներգիան: Նման գործողությունների ընթացքում կազմակերպվում են խաղեր:

## **Գեղարվեստական և գեղագիտական զարգացում**

Մեծ հնարավորություններ է տալիս ՏՀՏ օգտագործումը: Տեղեկատվական ներկայացումները, տեսանյութերը օգնում են երեխաներին ծանոթացնելու գործընթացը երաժշտությամբ արվեստին հետաքրքիր դարձնելու համար: Օգտագործելով ՏՀՏ-ն, հնարավորություն ենք ունենում տեսողական տեղեկատվություն փոխանցել երեխաներին:

ՏՀՏ-ն կիրառելով երաժշտական դասերը բարձրացնում են երեխաների ճանաչողական հետաքրքրությունը երաժշտության նկատմամբ:

### **Նոր մեթոդների կիրառումը**

Երաժշտության ժամերին օգտագործում ենք ուսուցման նոր մեթոդներ: Ուսուցման մեթոդը մանկավարժական գործունեության մի միջոց է, որով իրականացվում է ուսուցչի և աշակերտի համագործակցությունը՝ ուղղված ուսումնառության նախանշված արդյունքին:

### **10**

Ուսուցման մեթոդների դասկարգման հիմքում դրվում են հետևյալ հատկանիշները.

- Ճանաչողական աղբյուրները
- Տրամաբանական սկզբունքը
- Ուսուցման տիպը
- Սովորողների ինքնուրույնության մակարդակը
- Ուսուցիչ գործունեության տեսակ

Ինտերակտիվ մեթոդների կիրառումը նպատակ ունի զարգացնելու սովորողների, ինչպես մտավոր, այնպես էլ զգայական կարողությունները:


Դասերի ընթացքում կազմակերպվում են անհատական, խմբային, զույգերով աշխատանք: Մեթոդներով դասերը վարելու հիմնական քայլերն են.

- Դասի նպատակների սահմանում
- Տեղեկատվության մատուցում

- Ուսուցչի աջակցությամբ աշակերտների աշխատանքի կազմակերպում
- Աշխատանքների վերջնական արդյունքի ներկայացում

Երաժշտության դասին օգտագործում ենք նաև <<Մտագրոհ, Մտքի քարտեզագրում >> մեթոդը: Այս մեթոդը օգնում է որևէ թեմա կամ խնդիր դասակարգել և բաղդատել մեծից մինչև փոքր <<տաքսոնների>>: Այսինքն՝ ներկայացնել տվյալ նյութը, որպես ամբողջություն, քայլ առ քայլ մասնատել և դասակարգել:

11



Իմաստի ընկալման փուլում նոր նյութը մատուցվում է 'ներածական զրույց' մեթոդով, ստեղծագործության ունկնդրումով 'հարց ու պատասխան' մեթոդով, T-աձև աղյուսակի օգտագործումով:

Ուսումնական նյութը ուսուցանել ֆրագներով, վերլուծել ունկնդրած ստեղծագործությունները, համեմատել դրանք՝ նշելով առանձնահատկությունները: Երգերը բնական նվագարաններով նվագակցել՝ ընդգծելով զարկերը:

### Կշռադատման փուլ

Քառաբաժան մեթոդի կիրառումը կնպաստի պարզելու դասավանդած նյութի յուրացվածության մակարդակը, արտահայտելու իրենց զգացմունքները, սովորածը՝ նոր գիտելիքները, գաղափարներ, մտքերը, իսկ 4-րդ բաժնում՝ լոգո պատկերելու ինչ-որ նկար թեմայի վերաբերյալ կապահովեն միջառարկայական կապը նկարչության հետ:

Ի՞նչ գիտեի	Ի՞նչ սովորեցի
Ի՞նչ զգացի	Նկար

12

### ԵԶՐԱԿԱՑՈՒԹՅՈՒՆ

Գեղագիտական կրթությունը դպրոցներում բացահայտում է երեխաների մոտեցումները մարդկային աշխատանքի գեղեցկության ու վեհության նկատմամբ: Չարգացնելով երեխաների հշողությունը, մտածողությունը, հետաքրքրասիրությունը հնարավորություն է տալիս սիրել և ընդունել, տեսնել և գնահատել արվեստը: Երաժշտությունը մի յուրահատուկ լեզու է, որը շրջապատի համար մատչելի է դարձնում ներքին ապրումները, դարձնելով դրանք 'լսելի': Երաժշտությունը որոշ ժամանակ տևող հնչյունների հիացմունք առաջացնող ամբողջություն է ներդաշնակության մեջ:

Երաժշտությունը մեծ ազդեցություն ունի նարդու հոգեկանի վրա՝ առաջացնելով բազմազան հույզեր: Ձայնային տատանումները ընկալվելով լսողական օրգանի միջոցով փոխանցվում են ինֆորմացիան դեպի ուղեղի համապատասխան մասեր: Տատանումները անմիջականորեն ազդում են մարմնի և մեր կատարած գործունեության վրա: Երաժշտությունը հանգստացնող, երբեմն նաև բուժող միջոց է: Հայտնի է, որ օրգանիզմի վրա ուժեղ ազդեցություն ունի դասական և ժողովրդական երաժշտությունը, աշակերտները այն ընկալում են լավ, կարողանում են վերլուծել և զարգանում է գեղագիտական ճաշակը:

Ուսումնասիրելով 'Երաժշտություն' առարկան՝ առարկայի նպատակն, խնդիրները և մեթոդները սովորողների երաժշտական գործունեությանը պարզ դարձավ, որ

սովորողների գեղագիտական դաստիարակության լավագույն միջոցը երեխաների մոտ երաժշտական բարձր պատկերացումների, երաժշտական ճաշակի ձևավորումն ու զարգացումն է:

13

### **ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ**

1. 5-6 տարեկաններ. Դաստիարակի ուղեցույց
2. Յու. Վ. Յուզբաշյան  
Արվեստագիտության գիտությունների դոկտոր, պրոֆեսոր
3. Ս. Ս. Փահլևանյան  
Արվեստագիտության թեկնածու, պրոֆեսոր
4. Վ. Ի. Ավետիսյան  
Մանկավարժական գիտությունների թեկնածու
5. 'Չանգակ-97' հրատարակչություն, ուսուցչի մեթոդական ձեռնարկ
6. Նախադպրոցական մանկավարժություն  
Նաիրա Գրիգորյան

**Հավելված**

**Դասի պլան` 2-րդ դասարան**

- Դասի թեման- Ինչի՞ մասին է պատմում երաժշտությունը  
<<Աքլորիկի, թխսի և ճուտիկների երգը>>
- Ունկնդրում- Լ, Վ. Բեթհովենի <<Ուրախ, տխուր>> ստեղծագործությունը
- Ուսուցանել- << Աքլորիկի, թխսի և ճուտիկների երգը>>
- Դասի նպատակը- Ուսուցանել երգը, ունկնդրել Բեթհովենի <<Ուրախ, տխուր>  
ստեղծագործությունը. ունենալ սեփական կարծիք բնույթի,  
բովանդակության մասին:
- Ուսուցանող- Ծանոթացնել մանկական օպերայի  
առանձնահատկություններին



Չարգացնող- Չարգացնել երգչային ձայները ճանաչելու և տարբերելու կարողությունը:

Դաստիարակող- Դաստիարակել սեր մանկական օպերայի հանդեպ

Վերջնարդյունք- Կարողանա տարբերակի օպերային երաժշտությունը, երգի արտահայտիչ, նկարագրական բնույթով և մաքուր ինտոնացիայով:


Մեթոդական հնարքներ-Տ-աձև աղյուսակ, մտագրոհ մեթոդ, դերախաղ:

Միջառարկայական կապ-Գրականություն, կերպարվեստ, պարարվեստ:

Դասի ընթացքը

Խթանում- ՈՒՆկնդրումից հետո մտագրոհի միջոցով ճշտել աշակերտների

Նախնական գիտելիքները օպերայի մասին:



Ամփոփում ենք երեխաների պատասխանները.

Իմաստի ընկալում- Ծանոթացնել մանկական օպերայի առանձնահատկություններին, ուսուցանել երգը՝ կատարել այն դերախաղով:

Կշռադատում- Տ-աձև աղյուսակի միջոցով վերլուծել <<Ուրախ, տխուր>> ստեղծագործությունը: Դերախաղի միջոցով իմանալ, թե ինչպես են աքլորիկը, թուխսը և ճուղիկները գտնում կորած ճուղիկին:

Լ. Վ. Բերիովեն

Ուրախ

Տխուր

Ուրախ տրամադրություն

Դանդաղ տեմպ

Արագ տեմպ

Թախծոտ

Ուրախ բնույթ

Պարային

